

اسلام مجموعه سی

اون بش کونده بر حيقار

مسلمانلرک فائده سنه چاليشير

صافی: ۳۹ ۱۰ محرم ۱۳۳۴ — ۶ تشرین ثانی ۱۳۳۱ میل: ۳۰

قرآن کریم

سوره بقره [۱]

— بسم الله الرحمن الرحيم —

(۲۷۶) فائض یئیلر ، حین بعته شیطانک چاریدینی آدملر کبی چار ببق
قالقارلر و بو جزا دخی [الیش ویرشده فائض کیدر] دیدکلرینه میندر.
حالوکه جناب حق الیش ویریشی حلال و فائضی حرام قیلدی . طرف باریدن
کلن اشبو امر موعظه دن سوکره هر کیم متفسخ اولوب فائض اکلندن فراغت
ایدرسه مقدا اکل ایتمش اولدینی فائضی یرسه اصحاب ناردن اولوب جهنمه
مخا و دائم قالیر. (۲۷۷) جناب حق فائضک برکتی قطع ایدر. و مال صدقینی
برکاتیه مزدا بوروب بو بایده ارتکاب کناه ایدنلرک هیچ بری سومز.
(۲۷۸) ایچق اهل ایمانن اولوبده عمل صالح ایشیلر و اقامه صلوات ایه اعطای
زکات ایدنلر ایچون تزد الهیده اجر عظیم وار. بونلر ایچون خوف و حزن
یوقدر. (۲۸۹) ای مؤمنلر الله اتقا ایدک و کر چکدن ایمان ایدنلردن ایسه کز
فائضدن یقیه قالمش اولانلردن ارتق و از کیک. (۲۸۰) اکر بویله یا نمازسه کز
اکام اولک که الله و رسولی سزک محاربکزدن؛ اکر فائضدن تویه ایه و از
کچرسه کز رأس مالکتر سز کدر. بو صورتله ظلم ایتمش و ظلم کورسه مش
اولورسکز. (۲۸۱) بو مدیون ارباب ضرورتدن اولوب تأییه دین کندیسچون

[۱] باشی ۳۸ نجی صایده.

اورتہ ییلدیلمی ؟ انیم کہ وجودک قارا کلق طوبراقلر ایچنہ ایتراکن روحک
 نوردن چیچکلرله مزین اوله رق ، براق مائی سمانک یوکسکلرینہ دوغری
 سرعتله اوچدی واحد ، بدر، خیدق شهیدلرینک سعادتحانہ لرندہ۔ اونلر کی۔
 تعزیر و تکریم ایلدی۔ اوخ ! سن یالکیز لاهوتیت عالندہ دکل، مائک اولدینک
 حقیقی حیاه مشتاق بز قرده شلریکک ودها صکره یتشه جک اولان هم دینلرینک
 عیله لرندہ ، مفکره لرندہ دائما بر حیات قاله جقسک . اسلام وترکلکک تاولنخندہ
 سنک مقدس اسمک کچدیکی زمان بتون سینلر اقتیخار وغرور حسلریله قایلر اچق
 نظرلر اوکندہ موجودیتک تجسم ایدم جک وسنک بیوککلکک قارشیندہ بتون
 باشلر مقتخر تجسملرله آگیله جکدر . . . ایشته تحیل ایتدیکک حقیقی سعادتہ
 نائل اولدکم؟ بوندن دها عالی بر بختیارلقمی تصور اولنورکه بتون وارلنگکله
 ملتک قلندہ الی الابد یاشایاجقسک، جوان قرده شم !

حیاتکک صوک دقیقه سنده بئلکک سونرکن نورلرله مزین بوجکک بیوک
 بر صبور سزلقله یوکسلدیکی حقیقی جهانده اللهنک رحمت لقا سنہ ، ملکلرکک
 تحسین و تبریکلرینہ نائل اولدیقلکله بیوک وجمده وجدانہ اسالہ ایتدیکی زلال
 قناعته امیم قهرمان رقیقم ! . . .

احمد نیازی

آفتاب

دین و اخلاق

عبادات اسلامیہ و اخلاق

ناماز

تورکلکک و مسلمانلق عالنتک یوزی صوبی اولان مشهور (ابن سینا) نک
 « رسالۃ فی مہیۃ الصلوۃ » آدی بر رسالہ سی واردرکہ - پک چوق رسالہ لری
 کی - آورو پانک لیڈن شہرندہ ہم عربیچہ سی ، ہم فرانسیزجہ یہ مترجم بر صورتی

طبع اولوتمشدر [۱۰] مذکور رسالہ دن بعضی پارچہ لری آشاغیہ دوغرو نقل
ایدیورم . . .

« بیلکه ناماز ظامری و باطنی اولارق ایکی قسمه آریلیر ؛ قسم ظامریسی
ریاضی یعنی بدنی اولان قسیدر بو قسم جیمه مریو طدر . چونکه بر طاقم
هیئر ورکنلردن عبارتدر . قرائت ، رکوع ، سجود .. گبی ... بونلر نفس
باطنیه متعلق اولان صلاة حقیقه نك بیرر اثریدر . . . صلاة ظاهری
- انتظام عالم ایچون - بدنلرک سیاستی منزله سنده در .

صاحب شریعت بیلورکه هرکس مدارج عتقک اک یوکسهک درجه لرینه
قادار یوکسه له من . اونلر ایچون ریاضی بر سیاست بدنیه نك تکلیفی
لازمدی ؛ که هوسات و احتراصاتی مانع اولسون . بناءً علیه بر یول
کوسترده دی و بر قاعده وضع و تمهید ایله دی .

اما قسم باطنیسی ... ایشته نامازک توی و حقیقی بوراسیدر ؛ اوده
صاف بر قلبه ، دنیوی و عادی هوسلردن تمیزلنمش پاک بر وجدانله حتی
مشاهده ایتمکدر .

بو قسم اعداد بدنیه ، ارکان حسیه مجراسته جاری ده کل .. آنجاق
خاطرات صافیه و نفوس باقیه مجراسته جاریدر . چوق وقت جناب پیغمبر
اقتدیمر بو ادراک حقیقی ایله مشغول اولوردی . بعضی کره لر بو حال کنندی
نظام عدیدن بیله منع ایدردی [۱۱] و نیجه دفعه لر نامازی قیصالدیر و اوزادیردی .
ینه مشارالیه بر دیگر برنده دیورکه پیغمبر اقتدیمر ناماز دینک
دیره کیدر . بو یورویور ؛ دین نفس انسانینک کدورات شیطانیه دن و نواقص
بشریه دن تمیزلنمه سیدر . ناماز عات اولی یه ، الله عظیم الشانه طایمقدر .

[۱۰] قونیه ده یوسف انا کتبخانه سنده کوردیکم بر نسخه سی « رساله فی حقیقه الصلوة »
عنوانلی ایدی . آورودا ده کی مطبوع نسخه فی داما دوغرو و مصحح بولدم .
[۱۱] ذوالیدین و ته می مشهور ؛ « انصرت الصلوة ام نیت یارسول الله » دین صحابی
مشارالیه حضرت پیغمبر اقتدیمر « کل ذلک لم یکن » جوانی و یرمشدر . یعنی نه ناماز قیصالدی ؛
نه ده اونو تدم ؛ بونلرک هیچ بری اولادی .. شهبه سزکه اول نامازده یوجیه و بو یوک پیغمبریمز
استراق و وجد حالی کلشدی . نامازک صایستی غائب ایدی . او کنندن کچشدی ، ابن
سینا نك دیدیکی کی نامازک قسم ریاضیسی قسم غضولی اورتدی ، هیچ بر خطا و تقصیر و نوعه کلدی .

طایمق - بعد - ایسه « واجب الوجود اولان حق تعالی‌ی طایمقدر . . .
 مشاوریه مذکور رساله‌نک صوکلرینه دوغرو دیورکه نامازک قسم
 باطنیسی شکل و صورتدن اوزاق و بوزولمقدن مصوندر . . . جهت وزمانه
 اشارت ایتمکترین حق تعالی‌نک برلکنی نفس ناطقه ایله طایمق وتصرع
 ایتمکدر ؛ مشاهده حقه نفسک مظهر کمال اوله‌سنی ، عقلیه و علمیه اتمام
 سعادتی ایسته‌مکدر . . .

یوناماز سببیه امر عقلی و فیض قدسی سای هدادن نفس ناطقه حیینه
 تزول ایدر . . . نامازی بویولده قیلان برکیمسه هوای حیوانیتدن درجات
 عقلیه یوکسه‌لیر « فیوضات ازله‌یی مطالعه ایدر . . .

بیغمبر اقدیمز معراجده دویدینی اذواق روحانیه ایله سر مست
 ومدهوش و دالدیقاری دریای مکشفه‌نک معنوی فیوضاتیه معنی و سهوش
 اولدقاری زمانک عقبده جناب حقه دعا ایدر . و دیرکه « یاربی ! « بن بوکیجه
 یک غریب برلنت لاهوتی « دویدم ؛ ایسته‌یورم که هر وقت یونشوة قدسیه‌یی
 بولایم . . . بکا بز یول کوسته ! . . . جناب حق نامازله امر بویورور . ایسته
 نامازک لیله معراجده فرض اولومسته سبب یونشنة عالیه‌در .

مرعش مبارک مدیری

بسم آمیری

ترجه حال

عبدالله بن مسعود

کینه‌سی (ابو عبدالرحمن) در . (هذیل) قبیله‌سنه منسوبدر . نسبی
 (هذیل بن مدرکه بن الیاس) منتهی‌در . نسبی ، اون ایکنجی بطنده نسبی
 بیغمبری ایله برلشیور . والده‌سی‌ده (هذیل) دن اولوب اسمی (ام عبد) در .
 بونک ایچون زمانده اکثریا (ابن ام عبد) دیه یاد اولنوردی .